


# जाहलू परमात्मे सब कुच्छ बणाया



Edward Hughes: दे जरयि लखियो ऐ।  
Byron Unger; Lazarus: दे जरयि बणाई गई।  
Alastair Paterson

Subramani N.: दे जरयि अनुवाद कृति।  
Bob Davies; Tammy S.: दे जरयि अनुकुलति।

काहणी 1 ते 60

M1914.org

Bible for Children, PO Box 3, Winnipeg MB R3C 2G1 Canada

लाईसेंस: जाहलू तकिर तुहां इसा जो नी बेचदे हन, ताहलू तकिर तुहां  
जो इसा काहणिया जो कोपी या परटि करणे दी इज्जाजत ऐ।

19

20

21

22

23

Kangri


परमात्मा जाणदा ऐ कि अहां बुरे कम्म कितेयो  
हन, जिसियो सैह पाप ग्लांदा ऐ। पाप दी सजा मौत ऐ।

परमात्मा अहां नैं इतणा प्यार करदा ऐ कि तिन्हें अपणे पुत्र, यीशु  
जो सुलिया पर मरणे कने अहां दे पापां दिया सजा दी कीमत चुकाणे  
ताई घल्लेया, यीशु दोबारा जिन्दा होएया कने वापस सुअगे जो चली  
गेआ। हुण परमात्मा अहां दे पापां जो माफ करदा ऐ।


जे तुहां अपणे पापां ते पश्चाताप करणा चांहेदे हन, तां परमात्मे नैं  
एह ग्ला, मेरे प्यारे परमात्मा जिन्जो बसुआस ऐ कि यीशु मेरे पापां  
ताई मरेया कने दोबारा भिरी जिन्दा होई गेआ ऐ। करिपा करी नैं  
तुहां मेरिया जिन्दगिया च ओआ कने मेरे पापां जो माफ करा, तांजे  
में हुण नोई जिन्दगी पाई सके, कने हर दिन में तुहां सोगी रहें। तुहां  
अपणे हुक्मां जो मनणे ताई मेरी मदत करा कने में अपणी  
जिन्दगी तुहां सोगी जी सके। अमीन। यूहन्ना □□□

हर रोज बाइबल पढा कने परमात्मे नैं गल्लां करा।

अहां जो कुणी बणाया? बाइबल, परमात्मे दा वचन  
दस्सदा ऐ कि मानस जात किआं सुरू होई। बड़ी पैहल्लें,  
परमात्में सबना ते पैहल्लें माणुये जो बणाया कने तिसदा  
नां आदम रखेया।




परमात्में आदमे जो धरतिया दिया चिक्का ते बणाया।  
जाहलू परमात्में आदमे च जिन्दगिया दा शाह पाएया, तां  
सैह जिन्दा माणु बणी गेआ। तिन्हें अप्पु जो अदन दे  
बगीचे च पाएया।



1


2

परमात्ममें आदमे जो बणाणे ते पैहल्लें, तिन्हीं अनोखियां चीज्जां नें भरीया इक्क छैल संसार बणाया। जगाहपजागह पर परमात्ममें प्हाड कने समतल जगाह, खुसबुदार फुल कने बड्डेपड्डे रूख, चमकिले पंखा आले पंछि, कने मधुमक्खियां कने फिसलणे आले पाणिये आले प्राणी बणाये। सच्ची च परमात्ममें सब कुच्छ बणाया ऐ - सब कुच्छ।




3

सुरु च, परमात्ममे दे सब कुच्छ बणाणे ते पैहल्लें, परमात्ममे ते अलावा कुच्छ भी नीं था। कोई माणु नीं, कोई जगाह नीं, कोई भी चीज्ज नीं, कुच्छ भी नीं था ना परगडा कने ना नेहरा, ना उपर ना थलें, कने ना कल, ना अज्ज। सिर्फ परमात्मा था जिसदी कोई सुरुआत नीं थी। ताहलू परमात्ममे इक्क किरदार नभाया। सुरु च परमात्ममें अम्बर कने धरतिया जो बणाया।




4

कने धरती सुणसान कने खाली थी। कने नेहरा छाएया था। ताहलू परमात्ममें गलाया, "तित्थु परगडा होई जां।"




5

कने परगडा होई गेआ, परमात्ममें परगडे जो दिन कने नेहेरे जो रात गलाया, भिरी संझ होई कने भ्याग होई, इस तरिके नें पैहल्ला दिन होई गेआ।




6

दूये दिनें, परमात्ममें समुन्दर, कने झीलां दे पाणिये जो सुअर्गे दे थलें बणाया। त्रीये दिनें, परमात्ममें गलाया, "सूकी जमीन बणी जां।" कने तिसां ई होई गेआ।




7

परमात्ममे घाहे जो, फुलां जो, झाडियां कने रूखां जो भी बणणे दा हुक्म दिता। कने सैह बणी गे। भिरी संझ होई कने भ्याग होई, इस तरिके नें त्रीया दिन होई गेआ।




8

ताहलू परमात्ममें सृजे जो, चन्द्रमे जो कने इतणे तारे बणाये कि कोई तिन्हां जो गिणी नीं सकदा। भिरी संझ होई कने भ्याग होई, इस तरिके नें चौथा दिन होई गेआ।



9

समुन्दरी जीव कने मच्छियां कने पंछि परमात्ममे दिया सूचिया च दूये नम्बरे च थे। पंजमें दिनें तिन्हीं बड्डी बहेल मच्छि, लम्बिया जगा आले सुतरमूर्ग कने लोककालोकके पंछि बणाये। परमात्ममें धरतिया दे पाणिये जो भरणे ताई हर किस्मां दियां मच्छियां कने धरतिया कने समुन्दरे कने अम्बरे दा अनन्द लेणे ताई हर किस्मां दे पंछि बणाये। भिरी संझ कने भ्याग होई, इस तरिके नें पंजमा दिन होई गेआ।



10


तिसते बाद, परमात्ममें भिरी गलाया, "धरतिया पर जिन्दे प्राणी पैदा होना।" हर किस्मा दे जानवर, कीडेपमकोडे कने रेगणे आले जन्तु बणाये। धरतिया जो हिल्लाई देणे आले हाथी कने बिजी ऊदबिलाब थे। शाररती बन्दर कने अनाडी मगरमच्छ, गोलपगोल कीडे कने चालाक गिलेरी, जिराफ कने बिल्ली बणाये। तिस दिन हर किस्मां दे जानवर परमात्ममें बणाएयो थे।

भिरी संझ होई कने भ्याग होई, इस तरिके नें छैमा दिन होई गेआ।




11

छैमें दिनें परमात्ममें कुच्छ होर किता, जेहडा तिन्हीं किता सैह बडा खास था। हुण माणुयें ताई सब कुच्छ त्यार था। तिसदिया सेवा ताई खेतां च अनाज कने जानवर थे। कने परमात्ममें गलाया, अहां माणुये जो अपणिया छविया दे मनाबक बणान; सैह धरतिया पर सब चीज्जां पर अधिकारी होयें। तां परमात्ममें माणुये जो अपणिया छविया च बणाया; अपणिया छविया च तिन्हीं तिसियो बणाया।



12

परमात्ममें आदमे नें गल्ल किती, कि "बगीचे च जेहडा चाह सैह खाई सकदा। अपर भले कने बुरे दे जाने दे रूखे दा फल मत खा। जे तुहां तिस रूखे दा फल खांगे तां जरूर मरी जांगे।"




13

कने यहोवा परमात्ममें गलाया, माणुये दा किल्ला रेहणा ठीक नीं ऐ। में इस ताई इक्क साथी बणागा। परमात्ममे सारे पंछियां कने जानवरां जो आदमे अल्ल लेई आया। आदमें तिन्हां सबना दा नां रखेया। इआ करणे च सैह बडा होशियार था। अपर सारे पंछिया कने जानवरां च आदमे ताई ठीक दंगे दा साथी नीं मिल्ला।




14

तिसते बाद परमात्ममे आदमे जो डुगिया निंदरा च पाई दिता, सुतेयो आदमे दी इक्क पसलिया जो कड्डेया कने तिसा पसलिया ते परमात्ममें जणास बणाई दिती कने तिसियो बिसामे आला दिन बणाई दिता। परमात्ममे जिसा जणासा जो बणाया, कने आदमे दी कने तिसा दी जोडी बिल्कुल मिलदी जुलदी थी।



15

परमात्ममें सब कुच्छ छिं दिनां च बणाया। ताहलू परमात्ममें सतमें दिनें जो आसीष दिती कने तिसियो बिसामे आला दिन बणाई दिता। अदन दे बगीचे च, आदम कने तिसदी लाडी हव्या परमात्ममे दे हुक्मां जो मनी करी, बडे खुस थे। यहोवा परमात्मा तिन्हां दा पालन पोसण कने साथी था।



16

जाहलू परमात्ममे सब कुच्छ बणाया  
परमात्ममे दा वचन, बाइबला दी इक्की काहणिया  
च पाएया जांदा ऐ  
सृष्टिया दी सुरुआत

"तेरे वचनां दी समझ मिन्जो जोती दिदी ऐ।"  
भजन 119:130

17

18